



重刊臨川王荆公先生文集卷之九十一

墓誌

太子太傅致仕田公墓誌銘

給事中贈尚書工部侍郎孔公墓誌銘

司封員外郎秘閣校理丁君墓誌銘

王平甫墓誌

建安章君墓誌銘

王補之墓誌銘

員外張君墓誌銘

太子太傅致仕田公墓誌銘

田氏故京兆人後遷信都晉亂公皇祖太傅入子契丹景

德初契丹澶州略得數百人以屬皇考太師太師哀憐之  
悉縱去因自脫歸中國 天子以為廷臣積官至太子率  
府率以終為人沉悍篤實不苟為笑語生八男子多知名  
而公為長子公少卓瑩有大志好讀書七未嘗去手無所  
不讀蓋亦無所不記其為文章得紙筆立成而宏博辯麗  
稱天下初舉進士賜同學究出身不就後數年遂中甲科  
補江寧府觀察推官以母英國太夫人喪罷去除喪補楚  
州團練判官用舉者監轉般倉遷祕書省著作佐郎又對  
賢良方正策為第一遷太常丞通判江寧府數上書言事  
召還將以為諫官方是時趙元昊反夏英公范文正公經  
略陝西言臣等才力薄使事恐不能獨辦請得田某自佐

以公為其判官值進賢院參都總管軍事

自真宗強兵年  
至是且四十年

諸老将盡死為吏者

不知兵法  
師教

敗士民震恐二公隨事鎮

撫其為世所善多公計策大將有欲悉數路兵出擊賊者

朝廷許之矣公極言其不可乃止又言所以治邊者十四

事多聽用還為右正言判三司理欠憑由司權脩起居注

遂知制誥判國子監於是陝西用兵未已人大困以公副

今宰相樞密副使韓公宣撫自宣撫歸判三班院而河北

告兵食闕又以公往視而邢州兵士殺通判閉城為亂又

以公為龍圖閣直學士知成德軍真定府定州安撫使往

執殺之論功遷起居舍人又移秦鳳路都總管經略安撫

使知秦州遭太師喪辭起復者久之 上使中貴人手敕

趣公公不得已則乞歸葬然後起既葬託邊事求見上  
曰陛下以孝治天下方邊鄙無事朝廷不為無人而區區  
大馬之心尚不得自從臣即死知不瞑矣因泣然泣數行下  
上視其貌甚瘠又聞其言悲之乃聽終喪蓋師臣得終喪自公  
始服除以樞密直學士為涇原路兵馬都總管經略安撫使  
知渭州遂自尚書禮部郎中遷右諫議大夫知成都府充蜀  
梓利夔路兵馬鈐轄西南夷侵邊公嚴兵憚之而誘以恩信  
即皆稽顙蜀自王均李順再亂遂號為易動往者得便宜  
決事而多擅殺以為威至雖小罪猶并妻子遷出之蜀流  
離顛頓有以故死者公拊循教誨兒女子畜其人至有甚  
惡然後繩以法蜀人愛公以繼張志定而謂公所漸治為

未嘗有誤歲大凶寬賦減徭發廩以救之而無餓者事聞  
賜書獎諭遷給事中以守御史中丞充理檢使召焉未至  
以為樞密直學士權三司使既而又以為龍圖閣學士翰  
林學士又遷尚書禮部侍郎正其使號自景德會計至公  
始復鈎考財賦盡知其出入於是入多景德矣歲所出乃  
或多於入公以為厚歛疾費如此不可以持久然欲有所  
掃除變更興起法度使百姓得其蓄積而縣官亦以有餘  
在上與執政所為而主計者不能獨任也故為皇祐會  
計錄上之論其故冀以寤上上固恃公欲以為大臣居  
頃之遂以為樞密副使又以檢校大傅充樞密使公自常  
選數年遂任事於時及在樞密為之使又超其正天下皆

以為真顧尚有恨公得之晚者公行內脩於諸弟尤篤為人寬厚長者與人語欵七若恐不得當其意至其有所守人亦不能移也自江寧歸宰相私使人招之公謝不往及為諫官於小事近功有所不言獨嘗從容為上言為治大方而已范文正公等皆士大夫所望以為公卿而其位未副公得聞輒為上言之故文正公等未幾皆見用當是時上數以天下事責大臣慨然欲有所為蓋其志多自公發公所設施事趣可功期成因能任善不必已出不為獨行異言以時聲名故功利之在人者多而事迹可計者止於如此嘉祐三年十二月暴得疾不能興上聞悼駭敕中貴人太醫問視疾加損

輒以聞公即辭謝求去位奏至十四五猶不許而公求之不已乃以為尚書右丞觀文殿學士翰林侍讀學士提舉景靈官事而公求去位終不已於是遂以太子少傅致仕致仕凡五年疾遂篤以八年二月乙酉薨于第享年五十九號推誠保德功臣階特進勳上柱國爵開國京兆郡公食邑三千五百戶實封八百戶詔贈太子太傅而賻賜之甚厚公諱況字元均皇曾祖諱祐贈太保皇祖諱行周贈太傅皇考諱延昭贈太師妻富氏封永嘉郡夫人今宰相河南公之女第也無男子以弟之子至安為主後女子一人尚幼田氏自太師始占其家開封而葬陽昇故今以公從太師葬陽翟之三封鄉西吳里於是公弟又替善大夫

洵來曰卜葬公利四月甲午請所以誌其壙者蓋公自佐  
江寧以至守蜀在所輒與李數親臨之以進諸生某少也  
與公弟游而公所進以為可教者也知公為審銘曰  
田室於姜卒如龜祥後其孫子曠不世史於宋繼顯自公  
攸始奮其華糝配實之美乃發帝業深宋卓煒乃與佐時  
宰飪調聊文馴武克內外隨施亦有厚仕孰無衆毀公獨  
使彼若榮豫已維昔皇考敢於活人傳社在公不集其身  
公又多譽公宜難老胡此殆疾不終壽考掩詩於幽為告  
永久

給事中贈尚書工部侍郎孔公墓誌銘

宋故朝請大夫給事中知鄆州軍州事兼管內河提

勸農同群牧使上護軍魯郡開國侯食邑一千六百戶食  
實封二百戶賜紫金魚袋孔公者尚書工部侍郎贈尚書  
吏部侍郎諱勗之子兗州曲阜縣令夔封文宣公贈兵部  
尚書諱仁王之孫兗州泗水縣主簿諱光嗣之曾孫而孔  
子之四十五世孫也其仕當 今天子天聖寶元之間

以剛毅諒直名聞天下嘗知諫院矣上書請 明肅太  
后歸政 天子而廷奏樞密使曹利用尚御藥羅崇勳

罪狀當是時崇勳操權利與士大夫為市而利用得彊不  
遜內外憚之嘗為御史中丞矣皇后郭氏廢引諫官御史  
伏閣以爭又求見 上皆不許而固爭之得罪然後已蓋  
公事君之大節如此也其所以名聞天下而士大夫多以

公不終於大位為天下惜者也公諱道輔字原魯初以進  
上釋褐補寧州軍事推官年以耳然斷欲議事已能使老  
吏憚驚遂遷大理寺丞知兗州仙源縣事又有能名其後  
嘗直史館待制龍圖閣判三司理欠憑由司登聞檢院吏  
部流內銓糾察在京刑獄知許徐兗鄆泰五州留守南京  
而充鄆御史中丞皆再至所至官治數以爭職不阿或絀  
或遷而公持一節以終身蓋未嘗自詘也其在兗州也近  
臣有獻詩百篇者執政請除龍圖閣直學士上曰是  
詩雖多不如孔道輔一言乃以公為龍圖閣直學士於是  
人度公為上所思且不久於外矣未幾果復召以為中丞  
而宰相使人說公稍折節以待遷公乃告以不能於是人

又度公且不得久居中而公果出初開封府吏馮士元坐  
獄語連大臣數人故移其獄御史御史劾士元罪止於杖  
又多更赦公見上上固恠士元以小吏與大臣交私

汗朝廷而所坐如此而執政又以謂公為大臣道地故出  
知鄆州公以寶元二年如鄆道得疾以十二月壬申卒於  
滑州之東城驛享年五十四其後詔追復郭皇后位號而  
近臣有為上言公明肅太后時事者上亦記公

平生所為故特贈公尚書工部侍郎公夫人金城郡君尚  
氏尚書都官貲外郎諱賓之女生二男子曰洵今為尚書  
屯田貲外郎曰宗翰今為太常博士皆有行治世其家累  
贈公金紫光祿大夫尚書兵部侍郎而以嘉祐七年十月

壬寅葬公孔子墓之西南百步公廉於財樂振施遇故人  
子恩厚尤篤而尤不好鬼神械祥事在寧州道士治真武  
像有蛇穿其前數出近人人傳以為神州將欲視驗以聞  
故率其屬往拜之而蛇果出公即舉笏擊蛇殺之自州將  
以下皆大驚已而又皆大服公由此始知名然余觀公數  
處朝廷大議視禍福無所擇其智勇有過人者勝一蛇之  
妖何足道哉世多以此稱公者故余亦不得而略也銘曰  
展也孔公維志之求行有險夷不改其軌權彊所忌讒諂  
所讐考終厥位寵祿優已維皇好直是錫公休序行納銘  
為識諸幽

司封員外郎祕閣校理丁君墓誌銘

朝奉郎尚書司封員外郎充祕閣校理新差通判永州軍  
州兼管内勸農事上輕車都尉賜緋魚袋晉陵丁君卒王  
杲曰噫吾僚也方吾少時輔我以仁義者乃癸吳吊其孤  
祭焉而許以銘越三月君壻以狀至乃叙銘赴其壟叙曰  
君諱寶臣字允珍少與其兄宗臣皆以文行稱鄉里號為  
二丁景祐中皆以進士起家君為峽州軍事判官與房陵  
歐陽公游相好也又為淮南節度掌書記或誣富人以博  
州將貴人也猜而專吏莫敢議君獨力爭正其獄又為杭  
州觀察判官用舉者蕪州李教授又用舉者遷太子中允  
知越州剡縣蓋其始至流大姓一人而縣遂治卒除弊興  
利甚衆人至今言之於是再迁為太常博士移知端州濃



智高反攻至其治所君出戰能有所捕斬然卒不勝乃與其州人皆去避之坐免一官徙黃州會恩除太常丞監湖州酒又以大臣有解舉者遷博士就差知越州諸暨縣其治諸暨如剡越人滋以君為循吏也 英宗即位以尚書屯田員外郎編校祕閣書籍遂為校理同知太常禮院君質直自守接上下以恕雖貧困未嘗言利於朋友故舊無所不盡故其不幸廢退則人莫不憐少進也則皆為之喜居無何御史論君嘗廢矣不當復用遂出通判永州世皆以咎言者謂為不宜夫歐未嘗教之卒臨不可守之城以戰虎狼百倍之賊議今之法則獨可守死爾論古之道也則有不去之以死有去之以生吏方操法以主其士

則君之流離窮困幾至老死尚以得罪於言者亦其理也君以治平三年待闕於常州於是再迁尚書司封員外郎以四年四月四日卒年五十八有文集四十卷明年二月二十九日葬于武進縣懷德北鄉郭店之原君曾祖諱輝祖諱諒皆弗仕考諱東之贈尚書工部侍郎夫人饒氏封晉陵縣君前死子男隅太廟齊郎除諱為進士其季恩兒尚幼女嫁祕書省著作佐郎集賢校理同縣胡宗愈其季未嫁也胡氏亦又死矣銘曰  
文於辭為達行於德為充道於古為可命於今為窮嗚乎已矣卜此新宮

王平甫墓誌

君臨川王氏諱安國字平甫贈太師中書令諱明之曾孫  
贈太師中書令兼尚書令諱用之之孫贈太師中書令兼  
尚書令康國公諱益之子自壯角未嘗從人受學操筆為  
戲文皆成理年十二出其所為銘詩賦論數十篇觀者驚  
焉自是遂以文學為一時名賢士大夫譽歎蓋於書無所  
不該於詞無所不工然數舉進士不售舉茂材異等有司  
考其所獻序言第一又以母喪不試君孝友養母盡力喪  
三年常在墓側出血和墨書佛經甚衆州上其行義不報  
今上即位近臣共薦君材行卓越宜特見招選為繕書其  
序言以獻大臣亦多稱之手詔褒異召試賜進士及第  
除武昌軍節度推官教授西京國子未幾校書崇文院

特改著作即祕閣校理士皆以謂君且顯矣然卒不偶官  
止於大理寺丞年止於四十七八月十七日不起越元豐  
三年四月二十七日薨于江寧府鍾山母楚國大夫公墓左  
百有十六步有文集六十卷妻曾氏子旒旒女婚葉濤處  
者四女濤有孳行知名旒旒亦皆嶷嶷有立君祉所施庶  
在於此

建安章君墓誌銘

君諱友直姓章氏少則卓越自放不羈不肯求選舉然有  
高節大度過人之材其族人郇公為宰相欲奏而官之非  
其好不就也自江淮之上嶺海之間以至京師無不遊將  
相大人豪傑之士以至閭巷庸人小子皆與之交際未嘗

有所忤亦莫不得其懽心卒然以是非利害加之而莫能見其喜愠視其心若不知富貴貧賤之可以擇而取也頽然而已矣昔列禦寇莊周當文武末世哀天下之士沉于得喪陷于毀譽離性命之情而自託於人偽以爭須臾之欲故其所稱述多所謂天之君子若君者似之矣君讀書通大指尤善於相人然諱其術不多為人道之知音樂書畫奕棋皆以知名於一時皇祐中近臣言君文章善篆有旨召試君辭焉於是大學篆石經又言君善篆與李斯陽水相上下又召君君即往經成除試將作監主簿不就也嘉祐七年十一月甲子以疾卒于京師年五十七娶辛氏生二男存儒為進士五女子其長嫁長州晉陵縣主簿侍其孀早卒又娶其中女

次適歙州祈門縣令黃元二人未嫁君家建中者五世矣其先則豫章人也君曾祖考諱某仕江南李氏為建州軍事推官祖考諱某皇著作佐郎贈工部尚書考諱某京兆府節度判官君以其年某月某申子葬潤州丹陽縣金山之東園銘曰  
弗續弗彫弗跋以為高俯以狎於野仰以游於朝中則有實視銘其昭

王補之墓誌銘

君南城人王氏諱無咎字補之嘉祐二年進士也初補江都縣尉丁父憂服除調衛真縣主簿嘗拜天台縣令以與予共學久之無以衣食其妻子乃去補南康縣主簿會予

召至京師因留教授上方與學校以經術造士予言君可  
教國子命且下而君死君所在學者歸焉賢士大夫皆暮  
與之游然君寡合常閉門治書唯與予言莫逆也熙寧初  
所謂質直好義不為利疚於回而學不厭者予知君而  
已君之死年四十有六實熙寧二年閏十一月丁巳至四  
年二月壬申妻曾氏子細縕始克葬君南城縣禮教鄉長  
義里銘日  
安時所難學以為已於呼鮮哉可謂君子

尚書祠部員外郎祕閣校理張君墓誌銘

徐全椒張君諱瑗字君玉其先有司泗州法者諱熙  
於君為曾祖嘗曰吾施德於人多矣後當有顯者尚  
書刑部侍郎參知政事諱洎者於君為祖有二子生

君者長子諱安期官終國子博士君以進士甲科守祕書  
省校書郎簽書平江軍節度判官廳公事故事得獻書求  
試君無所獻知建昌軍南豐縣通判鄂州又將通判梓州  
而有以君為言者乃召試以為祕閣校理於是自校書五  
遷為尚書祠部員外郎年五十五以嘉祐五年四月壬申  
卒京師夫人逢萊縣君王氏生三男子伯孫仲孫世孫三  
女子其一嫁試將作監主簿蘇泌其次尚幼治平二年九  
月甲申葬君全椒善政細脩仁里於是伯孫主邵武軍光  
澤縣簿君與余善其能貧而不為利余所畏其於故事蓋  
無所問而不知其好書天性也往往日盱窺新不屬而闔  
門讀書自若又能為吏當官有所守疑必得其意然平

寤安言徐視易狎若無能者銘曰  
有幽吟山澌水兩間槃礴演迤乃多君子我儀其蓄以博  
厥聞我肖其絳以清厥身書此哀石永詒崖濱

臨川王荆公先生文集卷之九十一

新刊臨川王荆公先生文集卷之九十二  
墓誌

戶部郎中贈諫議大夫曾公墓誌銘

京東提點刑獄陸公墓誌銘

廣西轉運使屯田員外郎蘇君墓誌銘

太子中舍沈君墓誌銘

秘書丞張君墓誌銘

司封郎中張君墓誌銘

為興祖墓誌銘

戶部郎中贈諫議大夫曾公墓誌銘

公諱致堯字正臣其先封鄆亡去邑為氏王奔亂都鄉

侯據棄侯之豫章家之蓋豫章之南昌後分為南豐故今  
為南豐人可徒為宜州刺史再世生仁旺贈尚書水部員  
外郎公考也李氏有江南撫州上公進士第一不就太平  
興國八年乃舉進士中第選主符離簿歲餘授興元府司  
錄道遷大理評事遷光祿寺丞監越州酒召見拜著作佐  
郎知淮陽軍將行天子惜留之直史館賜緋魚袋使自汴  
至建安軍行漕詔曰凡三司州郡事有不中理者即驗之  
最鈎得匿貨以五百萬計除祕書丞兩浙轉運副使改正  
使始諫議大夫知蘇州魏庠侍御史知越州王柄不譬於  
政而喜怒縱入庠介舊恩以進柄喜持上公到劾之以聞  
上驚曰魯某乃敢治魏庠克畏也克畏可畏也語轉而然

庠柄皆被絀揚允恭督揚子運數言事多可人厭苦之公  
每得詔曰使在外便文全已非吾心也輒不果行允恭告  
上上使問公公以所守言上繇此簿允恭不聽言苛稅  
一百三十餘條罷之移知壽州壽俗挾皆自豪陳氏范氏  
名天下聞公至皆迎自載公亦盡歲無所罰既代空一城  
人遮行至夜乃從二卒騎出城去郡轉大常博士主客員  
外郎章聖嗣位常親決細務公言之又言民憊甚宜弛  
利禁是時羗數犯塞大臣議弃銀夏以解之公奏曰羗虛  
歛厲我我分地三之非計也今羗席此劫它種以自助不  
過二三年患必復起矣宜擇人行塞下先調兵食待其變  
而已不報二年羗果反圍靈州議臣請去靈州勿事公議

曰堯所以易拒者以靈州綏其後也判三司鹽鐵句院  
天子欲以為知制誥召試矣大臣或忌之遷戶部員外郎  
京西轉運使請限公卿大夫子官京師陳彭年議遣使行  
諸部減吏負下其事京西公曰彭年議無賢愚一切置不  
用邪抑擇愚而廢之邪擇愚而廢之人材其可以蚤暮驗  
邪 上令趣追使還數論事 上感之還公既而王均誅  
命公撫蜀所創更百餘事李繼遷再圍清遠靈武以丞相  
齊賢為邠寧環慶涇原儀渭經略使丞相引公為判官公  
奏記曰兵數十萬王超既以都部署為之主丞相徒領一  
二朝士往臨之超肯用吾進退乎吾能以謀付與超而有  
不能自將乎不并將西無補也超能薄此重事願更審計

丞相及公以為言詔陝西節經略使追兵皆以時赴公曰  
將在空虛無人之處爭簿而後追兵如後何遂辭行上怒  
未有所發會召賜金紫公曰丞相敏中以非功德進官臣  
論其不可甫爾臣受命事未有效不敢以冒賜固辭上繇  
此貶公為黃州團練副使既而超果敗清遠靈武踵亡會  
南郊恩復官知泰州丁母夫人陳氏憂外除授吏部員外  
郎知泉州公常謂選舉舊制非是請得論改之陳省華子  
堯咨受請殿上為姦以第畀舉人敗省華堯咨有邪巧材  
朝廷皆患惡而方幸無敢斥之者公入十餘疏辯之移知  
蘇州至五日移知揚州守臧田歲常得千斛然遣吏督貧  
民耕民苦之公不使耕 天子方崇符瑞興昭應諸宮且

出幸祠公䟽言昔周成王既卜世三十卜年七百然觀於周禮其經緯國體人事微細無不具則知王者受命必脩人事以稱天所以命之之意不舉之天以怠人事也終曰陛下始即位以爵祿得君子近年以來以爵祿畜盜賊大臣愈不懌移知鄂州封泰山恩遷禮部郎中始解揚州受添支差多一月公尋自言患公者因復出公監江寧監酒西祀恩遷戶部郎中以祥符五年五月丁亥疾不起年六十六階至朝請郎勳至騎都尉遺戒曰毋陷於俗媚佛夷鬼以汙我家人行之所著仙島羽翼三十卷廣中台志八十卷清邊前要五十卷西陲要紀十卷為臣要紀三卷直言集五卷文集十卷傳于世尤長于歌詩云以其年十一

月歸塋南豐之東園水清墓天聖元年改塋龍池鄉之源頭始公娶黃氏生子男三人易占嘗為太常博士以能文稱公以博士故贈至右諫議大夫公歿八年而博士子輩生生三十五年輩以博士命次公生平事使來曰為我誌而銘之某視公猶大父也其少也則得公之詳如其孫之云始公自任以當世之重也雖人望公則亦然及遭大宗自謂志可行卒之閉於姦邪彼誠有命焉悲夫亦政之難合也雖其難合其可少枉合乎未可必也彼誠有命焉雖然其難合也祇所以見正也孔子曰所謂大臣者以道事君不可則止於戲公之節非庶幾所謂大臣者歟銘曰既墓而圮乃升宅原誰來求銘公子與孫公初洎終惟義



之事維才之完而薄于施乃其後人有克厥家天啓予公  
非在茲邪

京東提點刑獄陸君墓誌銘

提點京東諸州軍刑獄公事兼本路勸農事朝奉郎尚書  
司封員外郎充集賢校理上輕車都尉賜緋魚袋借紫陸  
君諱廣字彥博其先吳郡人也至君之高祖始遷福州之  
侯官以避唐末之亂曾祖諱景遷任吳越為驍騎上將官  
檢校大傅祖諱崇裒以威武軍觀察推官從其王歸京師  
官至殿中丞歷知瀘道潮青四州以卒考諱中和不仕以  
蒼故贈官至尚書職方員外郎君以天聖二年進士起至  
皇祐四年某月以使走齊州某甲子卒於鄆之平陰君子

長倩等以嘉祐四年某月某甲子葬君杭州之錢塘某所  
之原而書君繫世官職行能勞烈卒葬之地一時以來求  
誌墓銘曰

於惟陸氏吳越其始福之侯官近自唐徙君曾大考太傅  
將軍實往吳越為皇陪臣太傅有子始來皇朝丞于殿中  
歷將四州卒葬侯官實生處士贈官職方君實其子維君  
諱廣彥博其字文辭甲科四府從事起家邵武再選徐州  
遂監稅酒滿歲陳留許昌之招寧海之從乃令烏程乃永  
開封始佐著作去為尉氏詠歌仁明無有壯穉移印大邑  
告母高年免蜀就養稅商于泉又移導江斗穀千錢君命  
振之以我公田盜屠民家尉以囚來囚言實盜君曰釋之

尉方力爭衆亦莫寤後得直盜果如君慮離堆之江豪右  
擅焉君脩堰渠始訖其專灌田為頃萬有七千鑄約示後  
後無凶年鄭文肅公來治抗劇君以通判往從其辟州人  
憮屋吏代之輸君為刑法遂無逋租中書選君御史推直  
有言朝廷今以為勅冬狩于郊大講戎兵作箴以獻逆戒  
荒萌召寘集賢以為校理當時名氏簡在 天子出知婺  
州惡吏先鉏募能拯溺民以不漁婺之明年改命治泉七  
人習君謠語謹然為橋南江濟者免覆置廩州學士懷我  
育有告衆叛當君燕時命捕立得坐人不知蘇飢息窮去  
害除弊使臣以聞守政尤異智高整邊吏不時搏君書驛  
上焯有方略歸佐三司廷論南師帝曰可哉汝言予施酒

京以東再執刑柄諫囚于齊至鄆而疾棄世平陰壽五十  
三有子四人扶喪而南長倩惟伯仲維長緒長如惟叔季  
惟長愈倩掾秀州敏有辭章緒由君恩郊社齋部又女六  
人皆出陳氏維陳淑慎善相君子四男有立女亦有歸受  
封長安即養無違爰以嘉祐六年正月歸君錢瑤原范村之  
大惟君靜深不苟笑嘻隆親篤友遇物愛慈讀書百慨然慕  
古奇偉顧謂諸子仕當如此官上外郎尚書司封又不得  
年以既厥庸有文藏家後世之詒於君所得可以此窺有  
幽斯竈掩石在下撰君初終以告來者

廣西轉運使屯田員外郎蘇君墓誌銘

慶曆五年河北都轉運使龍圖閣直學士信都歐陽脩以

言事切直為權貴人所怒因其孤甥女子有欲誣以姦利  
事天子使三司戶部判官太常博士武功蘇君與中貴人  
雜治當是時權貴人連內外諸怨惡脩者為惡言欲傾脩  
銳甚天下汹汹必脩不能自脫蘇君卒白上曰脩無罪言  
者誣之耳於是權貴人 大怒 誣君以不直絀使為  
殿中丞秦州監稅然天子遂寤言者不得意而脩等皆無  
恙蘇君以此名聞天下嗟乎以忠為不忠而誅不當於有  
罪人主之大戒然古之陷此者相隨屬以有左右之讒而  
無如蘇君之救是以卒至于敗亡而不寤然則蘇君一動  
其功於下豈小也哉蘇君既出遂權貴人更用事凡五年  
之間拜赦而君六徙東西南北水陸奔走輒萬里其心恬

然無有怨悔遇事強果未嘗少屈蓋孔子所謂剛者殆蘇  
君乎蘇君之仁與智又有足稱者嘗通判陝府當葛懷敏  
之敗邊告急樞密使使取道路戍還之卒再戍儀滑於是  
延州還者千人至陝聞再戍大恐即謹聚謀為變吏白閉  
城中無一人敢出君徐以一騎出卒間諭慰止之而以  
便宜還使者戍卒喜曰微蘇君吾不得生陝人亦曰微蘇  
君吾其掠死矣有令刺陝西之民以為兵敢亡者死既而  
亡者得有司治之以死君輒縱去而言上曰令民以死者  
為事不集也事集矣亡者猶不赦恐其衆相率而為盜惟  
朝廷幸哀憐愚民使得自反 天子以君言為然而三十  
州之亡者皆不死其後知坊州州稅賦之無歸者里正代

為之翰歲帛大家數十君悉鉤治使歸其主坊人不憂為里正自蘇君始也蘇君諱安世字夢得其先武功人後徙蜀亡歸家于京師今開封人也曾大考諱進之率府副率大考諱繼殿直考諱咸熙贈都官郎中君以進士起家三十二年其卒年五十九為廣西轉運使而官止於尚書屯田員外郎者以君十五年不求磨堪也君娶南陽郭氏又娶清河張氏為清河縣君子台文永州推官祥文太廟齋郎炳文試將作監主簿彥文未仕女子二人適進士會稽江崧單州魚臺縣尉江山趙揚三人尚幼君既卒之三

年嘉祐二年十月庚午其子薜君揚州之江都東興寧鄉馬坊村而太常博士知常州軍州事臨川王其為銘曰

皇有四極周綏以福使維蘇君奠我南服九九蘇君不圜其方不晦其明君子之剛其枉在人我得吾直誰對誰愠祇天之役日月有立其下冥冥昭君無窮其之銘

太子中舍沈君墓誌銘

沈氏世家吳興其後有陵者仕吳越王卒官明州家之五世而生公公諱蕪字子達以五舉進士得同學究出身再補尉有能名用舉者遷衛尉寺丞知湖之歸安縣移知邵武之歸化又有能名遷太子中舍通判蘇州其以能聞愈甚公好副遇事果急不顧計為通判日與守爭可否不為之小屈重犯轉運使使守相與害公入之法除名天子薄其罪免所居官而已公歸怡怡聞為五字詩自戲娛無

踪戚言卒于家年七十三慶曆六年七月也子男一人起  
女三人起好學通政事能守節法為進士與其同時得科  
名者也公之坐獄為判官滁門立弃官從公世以為孝將  
以其年某月葬公某處以夫人柳氏附先三月來求銘與  
銘曰  
生也不得其須而死死也何有有嘉者子嗚呼已矣夫

祕書丞張君墓誌銘

君諱某字某某先成都之新繁人曾祖諱某不仕祖諱某  
太宗時以高貴徙內地除三班奉職非其好也即辭去不  
仕始家真州之揚子而筮焉皇考諱某起進士終登州軍  
事判官贈太常博士生三子而君長子也君寬和厚重友

愛諸弟甚篤待朋友以信而樂贖物以寬人之急年七歲  
日誦書教百言操筆為篇章立就及壯舉進士開封第一  
遂以釋褐為宣州寧國縣主簿會南陵無令州以君行令  
事有能名用舉者令潁州之沈丘縣轉著作佐郎知江寧  
府上元縣事又皆有能名移知英州遷祕書丞以嘉祐二  
年十二月某甲子卒于州寢是時君年四十七 天子官  
其一子師軻太廟齋即君之疾病也州人相與為君奔走  
請命至有欲以身代者蓋其得人心如此夫人河南縣君  
丹陽吳氏生三男子長即師軻次某次皆尚幼五女皆未  
嫁某年某月某甲子葬君某州之某縣某鄉所之原余與  
君相好又同年進士也故與為銘曰

嗚呼張公兮譁矣其光其先蜀產兮後塋于揚視瞻先人兮兆此新塋深泉高壤兮萬世之藏

司封郎中張君墓誌銘

君張氏諱式字景則其先建州普城人後徙建安蓋弗仕者三世諱漢夫者曾祖也諱謨者祖也諱希顏者父也父以君貴乃贈尚書職方員外郎有氣節知君可教乃付家事長子而縱君遊學及長文辭行義為鄉里所推天禧二年釋進士褐主福州閩縣簿又主南劍將樂簿有銀治坐歲課不足繫者常數百人君籍其人使富貧財力相兼課遂有羨無繫者歸以勞除開封府祥符縣尉趙稔將并州辟軍事判官稔所為有不可於衆徐啓論弗許稔以故聽

而君亦以此稱長者未幾遭母夫人喪服除改祕書省著作佐郎知福州古田縣耕藉田恩遷太常博士知開封府咸平縣呂許公罷宰相以許州觀察判官辟從之又通判饒州獄有十數年不決者君一言而決會擇河此吏御史中丞舉君得洛州賜緋魚又以選知虔州虔於東南州為最劇君能鎮撫之以無事三司市紬絹十餘萬非經數君拒弗市民以君為有賜也又知濠壽二州人溢其妻而以自殺告獄既具誥立服舉州謹以為明居頃召為開封府推官坐拷掠囚死出知岳州皇祐二年九月六日卒享年六十二官至尚書祠部郎中君廉靜好書長於政事所居官舉既去而人思見時事有不便往往能極言之無所忌

趙元昊反時誘人出財助軍誘多得賞於是吏或劫富人出財君疏罷之為開封推官時宮中以私財為佛寺置田又疏以為亂法後遂以君言而止既老矣終不肯治田宅所得祿以置書曰吾子業此足以日活不然雖田宅何足妻姓徐濮陽縣君子六人悉志思慕孫意悉以君故得太廟齋郎與甚同時中進士第女二人皆已嫁某月某日葬君某鄉某里銘曰

張謝留矣世窮久幽君始士服起家以學發於州縣治見稱舉有言朝廷弊事用除維清厥誨尚後弗渝

葛興祖墓誌銘

許州長社縣主簿葛君諱良嗣字興祖其先處州之麗水

人而興祖之父徙居明州之鄞興祖墓其父潤州之丹徒故今又為丹徒人矣曾大父諱遇不仕大父諱盱贈尚書都官郎中父諱源以尚書度支郎中終 仁宗時度支君三子當天聖景祐之間以文有聲赫然進士中先人嘗受其摯閱之終篇而屢嘆葛氏之多子也既而三子者伯仲皆蚤死獨其季在即興祖興祖博知多能數舉進士角出其上而刻勵脩潔篤於親友慨然欲有所為以效於世者也年四十餘始以進士出仕州縣餘十年而卒窮於無所遇以死嗟乎命不可控引而才之難恃以自見蓋久矣然興祖於仕未嘗苟聞人疾苦欲去之如在己其臨視雖細故人不以屬耳目者必皆致其心論者多怪之曰興祖且

老矣弊於州縣而服勤如此余曰是乃吾所欲於與祖夫  
大仗之則奮小仕之則怠忽以不治非知德者也與祖聞  
之以余之言為然與祖娶胡氏又娶鄭氏其卒年五十三  
實治平二年三月辛巳其塋以胡氏祔在丹徒之長樂鄉  
顯揚村即其年十一月某甲子也與祖三男子繁蘊皆有  
文學繁許州臨潁縣主簿蘊鄧州穰縣主簿頰尚幼也四  
女子皆未嫁云銘曰

蹇於仕以為人尤不慙施以年孰主孰謀無大憾於德又  
將何求

臨川王荆公先生文集卷之九十二終



程